







præstitit id iuramentum. Ad quod in primis dicendum est, cum Couar. cap. quamvis pactum, par. 3. in initio, num. 2. aduersus Decium, si pater etiam iurasset non mutare consensum, tunc, cum illum non mutaret, maium non sit, neque prohibitorum patris, utique perituros esset, si eum mutaret, nihil impediente, quod manendo ita obligatum ex iuramento ad illum non mutandum, reddatur inextinguibile: id quod satis perspicue constat ex dictis disput. 1. 51. & alibi, eaque de causa non plura hæc de re hoc loco dico. Dicendum deinde est, quædo pater solum adhibuit consensum, nec se obligauit iuramento ad illum non mutandum, integrum sibi esse, nihil impediente iuramento filij, aut coheredum, illum mutare. Quomodo pactum filiorum inter se pendens a libero consensu ipsius, quod ex dispositione iuris, pro suo arbitrio, & voluntate, interim dum uiuit, mutare potest, tollere à patre non potest eam libertatem, & facultatem liberam testandi, quantum ius ipsi concedit, neque item iuramentum filiorum id potest ab eo adimere. Dicendum tertio est, patre mutante consensum, filium, vel coheredes, non teneri pacto, & iuramento, sed filium, qui legitimum, aut patri illius renunciauit cum iuramento in fauorem alicuius, aut aliquorum ex coheredibus, perinde succedere patri, ac si tale pactum, & iuramentum, non interuenisset. Ita cum Bald. communis doctorum sententia, quam referunt, ac sequuntur Anton. Gom. l. 22. Tauri, num. 3. 1. & Molina, lib. 2. de primog. cap. 2. num. 4. Ratio autem est, quoniam factum illud filiorum, non solum in iure censetur contra bonos mores, sed etiam est prohibitum sub pena amissionis totius commodi ex hereditate, nisi accedat consensus eius, cui est succedendum, & in eo perseveret vsque ad finem uitæ, & iuramentum, non confirmatur iuramento, nisi accedat ille consensus, & perseveret vsque ad finem uitæ: quare eo ipso, quod consensus ille mutatur, accedendo esse, obligare desinit iuramentum, & pactum coheredum inter se. Vnde probanda non est opinio Couar. cap. quamvis pactum, par. 3. in initio, num. 2. 7. & 8. qui cum concedat, pactum filiorum inter se, sine consensu patris, non firmum iuramento, propendit (tametsi trepidus) accedente semel consensu patris, esto postea illum mutet, teneri filios pacto iuramento confirmato de consensu patris inter se celebrato. Probanda item non est latissimè sententia, qui aduersus Baldum, renunciatorem legitimam cum iuramento vnus filiorum, in fauorem alterius, aut aliorum, obligat filium ita renunciante. esto pater mutet voluntatem, ac consensum, quod id sit renunciatorem legitimam, quæ renunciatio (vt circa primum actum dictum est) confirmat iuramento. Dicendum quippe est, quatenus in fauorem alicuius, aut aliquorum ex coheredibus facta est, transire in pactum de certo modo hereditate inter coheredes diuidenda, atque eatenus, esto iuramento confirmata sit, pendere, vt sit valida à consensu patris, & à perseverantia in illo vsque ad finem uitæ, vt dictum est, & rectè, cum communi doctorum sententia, affirmant Anton. Gom. & Molina locis citatis.

41 Circa hunc tertium actum, & secundum præcedentem, obseruandum in primis est. Si facti sunt à minore sine iuramento, ac se læsum inueniat, quia expectans ipsi non fuit, eos celebrare, tunc locum habere beneficium restitutionis in integrum ad eos rescindendum, & ad reuocandum, quoad id maioratum, si, vt inde maioratus institueretur, facta sunt, vt ex te notissimum, & ex parte disp. 175. dictum est. Quando autem confirmati essent iuramento, locum non haberet restitutio in integrum: quoniam iuramentum valide adhibuit, beneficium impedit

restitutionis in integrum, iuxta authentacam sacramenta puerum, C. si aduerf. vend. & alia iura, vt supra dictum est.

Deinde obseruandum est, quod circa primum actum dictum est de renunciatione ob causam, attendendum scilicet esse, non causa effugerit, ad iudicandum vtrum renunciatio ex ipso, etiam si iuramento confirmata sit, maxime habere locum, circa tertium actum dictum sunt, suo etiam modo locum habent circa secundum, & tertium actum, vt rem expendenti, facili liquebit. Et præcipue locum habent, quæ de vi, metu, & dolo dicta sunt, vt relaxetur iuramentum, & nulli reddantur omnino eiusmodi actus, atque institutio maioratus ex ipso renunciationibus, aut etiam vt nulli iudicentur, etiam sine relaxatione iuramenti, si dolus interuenit.

42 Ex dictis tota hæc disputatio facile intelligitur, quousque ex legitimis debitis filij, aut filiabus, valde institui possit maioratus, etiam sine regia facultate, renunciantibus filijs, aut filiabus valde, aliquo ex tribus modis explicatis, integris suis legitimis, aut parti earum, vt inde maioratus instituitur, qui cedat, modis explicatis, in bonum totius familie, & ipsorum renunciantium: quæ de causa tanta multa de his renunciationibus hoc loco dicta sunt. Item ex dictis hæc eadem disputatio facile patet, ex quot capitibus renunciantibus explicatae subiacent calumnie, atque reuocationi, vel etiam vt pronunciant tunc fuisse ipso iure nullas, & in consequentiam, quousque calumnie, reuocationi, aut pronunciantibus fuisse ipso iure nullas, subiacent institutiones maioratum factæ vi cuiusdam renunciantium. Aut vero Molina, vbi supra, num. 8. institutores maioratum ex legitimis filiorum, quod eiusmodi institutiones sine regia facultate firmiores sint, solere simul vt tribus generibus renunciantium hæctenus explicatis. Et enim filij omnes, ex quorum legitimis maioratus instituitur, cum approbant in ipso actu institutionis, aut post illum institutum, in eoque consentiunt; pacifcenturque inter se, ex patris consensu, vt ita instituantur ex ipsorum legitimis, aut ex partibus earum, promittentes se nunquam illi contrautenturos, illumve impugnaturos; renunciant item patrem hereditati, nisi que legitimis portionibus, quatenus ea institutio illas contingit, promitteret, se nihil aliud ex testamento paterno, aut alia occasione, peti-turos, quam quod ex suis legitimis remanserit, completa integrè ea in institutione, eaque omnia iuramento confirmant. Aut vero Molina, vt eiusmodi institutiones ex legitimis aliorum tatoris, & firmiores sint, solere obtineri à Rege facultatè, & confirmatione. Cæteri nos disputatione præcedente conel. 4. & 5. exposuimus, quousque princeps dispensare possit, vt eiusmodi institutiones ex legitimis alijs debitis fiat.

DISPUTATIO 58.º

57 Maioratus, qui legales, & qui ex aliorum institutione.

S Y M M A R I U M

- 1. *Primo genia tempore legis nature, & scripte, consuetudine in Gallia, & in alijs prouincijs, legalia sunt.*
- 2. *Regnum maioratus est legalis regulariter loquendo.*
- 3. *Et quousque aliquando, & quibus ex causis, mutetur licet de modo regimini, ac successione prius sit instituto. Regulariter vero non licet.*
- 4. *Maioratus cum titulo, & alijs de bonis coronæ huius regni creati, licet aliquod de legalibus participent, simpliciter non legales, sed à Rege dicendi sunt creati.*

Maiora-

- 1. *Maioratus in Lusitania legi mentali subiecti, legales reuocari possunt.*
- 2. *Idem de maioribus ex donatis ab Henrico II. in hoc regno creatis.*
- 3. *Maioratus instituti de bonis patrimonialibus simpliciter non sunt legales, sed ex priuatorum institutione: licet quidam eorum aliquod de legalibus participent.*

1 **I**uxta ordinem initio disputationis 178. propositionum, dicendum est de varia diuersorum maioratum productione, ac substantia in rerum natura; vnde varij maioratum modi, & qualitates sunt manifesti. Atque prærogatiue illæ primogenitorum, quæ primogenia, & primogenita dicuntur, de quibus initio disp. 177. dictum est, quasque locum diximus non habere in Hispanijs, esseque longe diuerfas ostendimus à maioribus Hispanijs, omnes etiam lege statuit; & sunt hodie in Gallia, & in alijs prouincijs; aut certe consuetudine vniuersali, pactoque vniuersali hominum eorum prouincijs, in quibus vigeant, fuerunt introductæ, vt ex dictis disputatione citata facile constat: eiusmodi vero consuetudines vim habent legis. Quo fit, vt prærogatiue illæ, ac primogenita illa omnia legalia sint: ut de his in præcedenti disput. 178. vbi ostendimus, abrogato tempore Pelagij antiquo more, qui Gothorum tempore vigeant, & creati ac succedendi Reges per electionem, constitutum, à Pelagio consentiente reprobacione, fuisse, vt via generationis, modo ibi explicato, in eo deinceps succederent; Regna etiam, & regimina varia diuersarum reipublicarum, ortum habuissent à lege ea de re lata, qua diuerse nationes ac prouincie communi consensu, modum sibi regimini vniuersi proprium delegerunt, suis etiam consuetudine ex dictis disput. 2. & 2. Quando vero multa regna ad eundem Regem deueniant, accidere id potest, vel successionem hereditario iure eisdem Regis in multa regna, vel pacto, quæ prouincia aliqua, aut regnum, dedere seu ultateri regno, vel iure belli. In primo euentu seruanda est forma, ac lex lata in prima eius regni creatione: neque fas est nouo Regi quicquam illius forme mutare, legemve illam aliquo modo transgredi, vt regimen vnus cum regimine alterius conueniat, aut aliqua alia de causa, nisi vel communi libero consensu illius reipublice, vel ob delictum eius reipublice, aliquid in penam iustam mutetur. Sic regnum Aragonie vnium fuit regno Castelle, matrimonio Catholici Regis Ferdinandi cum Elisabetha, sequatæque semper fuerunt iura, seu finibus, quos vocant, eius regni, quousque rebellionem, & inobedientiam reipublice Aragonie præteritis annis, non nihil de eis acerrimis iuribus in penam iustam fuit abolitum. In secundo etiam euentu, siue ea reipublica ex sola sua sponte se dedat alteri Regi, siue coacta timore potentie illius in causa dubia, num ad eum Regem pertineat, standum est pacto tunc inter eum Regem, & reipublicam illam inito, neque fas est Regi, absque eius reipublice libero consensu, vel absque iusta alia causa, quicquam de constitutis, in ea dedicione mutare. In tertio denique euentu, integrum est Regi, qui bello iusto reipublicam aliquam sibi subiecit, vel nihil mutare de antiquo illius regimine, ac successionibus, vel mutare, quæ voluerit, eam omnino

Tom. II. I

2 **A** quando regno, cui accedit, in qualitate, & modo regimini, ac successione, vt fieri solet, aut aliquid diuersum relinquendo, vel statuendo: modo nihil fiat, quod diffinuit à recta ratione sit, vel excedens iustam penam ob delicta commissa, vt ex hæc omnia satis perspicua sunt.

Molina lib. 2. de primi, cap. 2. num. 4. maioratus legales dici posse affirmat castra, & oppida, à principe concessa sub titulo Comitatus, Marchionatus, Ducatus, Principatus, aut sibi alio simili. Quod intelligere videtur, quando in hoc Castelle regno absolute absque aliqua restrictione, ac declaratione, quæ deuenit ab eisdem regni imitatione, concessa sunt. Confer verò tunc dici posse maioratus legales, quatenus (iuxta dicta disp. 176. ) concessa reputantur; vt instar regni Castellæ, quod caput & exemplar cæterorum eiusdem regni maioratum esse cetera habeant, quando aliud non fuit expressum, ac proinde lex lata circa Castellæ regnum, à qua id regni legalis maioratus est, ad eiusmodi maioratus antiqua consuetudine esse extenditur, quæ consuetudo vniuersa etiam habet legis. Hac eadem ratione dicere posset, maioratus relictos sine titulo à Rege simili modo creatos, dici posse legales: eo quod, vt eadem disp. 176. dictum est, antiqua consuetudine eodem modo creati censentur, eademque; lex ad eos etiam fide extendatur. Potius autem diceremus, eiusmodi maioratus participare id de legalibus maioribus, eatenusque dici posse legales maioratus; cæterum simpliciter dicendos esse maioratus principis institutione creatos: eum non lege sint creati, sed principis beneplacito ita tacite subiecti ei legi.

3 **L**ongè verò maiori cum ratione maioratus Lusitani legitimali subiecti, de quibus disput. 176. dictum est, dici posse legales maioratus; præsertim quando bona coronæ regni, ex quibus constant, à principio non fuerint cõecepta subiecta vinculo maioratus: tunc enim à lege illa mentali vinculo maioratus, tunc etiam quod cum peculiaribus formam maioratus habeant: in qua multum deuiant à forma maioratus ipsius regni Lusitani, aliorumque maioratum.

4 **I**dem, propter eandem rationem, dicendum est, de maioribus huius Castellæ regni constantibus ex rebus ab Henrico I. donatis, de quibus eadem disp. 176. dictum est, quam formam ex præscripto eiusdem Regis, ac ex lege Ferdinandi, ac Elisabethæ, & Philippus I. habeant.

In nouo orbe, præsertim in Perù, commende institutae sunt, quæ ad primogenitos, illas obtinentiū, lege regia deriuantur. Eatenus autem dici possunt maioratus legales: & multo magis, si à principio lege tales commende instituta sunt, si essent, & quibus conferenda essent, & vt ad primogenitos illorū deriuentur. Harum commendatarum mentionem fecit Molina, c. 2. citato, num. 6. maioratus que legales illas appellat, additque temporales esse. Nullam verò maiorem notitiam de illis licet quæ habeat.

5 **M**aioratus autem tertij generis, de quibus disp. 176. dictum est, quantum legibus permittentibus, fiunt ac creantur, quia tamen, non à lege, sed à priuatis pro suo arbitrio instituntur, non legales sunt appellandi, sed ex priuatorum institutione, vt ex se est satis perspicuum. Quatenus tamen in hoc Castellæ regno, si ab habente descendentes, & in eorum defectum, ascendentes, & his deficientibus, collaterales, vt disput. 176. dictum est, vti que eatenus participant de maioribus legalibus, vocarique possunt legales maioratus: simpliciter tamen legales non sunt, sed ex priuatorum institutione.

C 3 DI